

## **SEADen ALDARRIKAPENAREN 40. URTEURRENA DELA ETA**

2016ko otsailak 27a 40. urteurrena betetzen da Saharako Errepublika Arabiar Demokratikoa aldarrikatu zela eta Lasarte-Oriako Udalak bat egin nahi du gertakari historiko horrekin eta beste urte batez ere garbi erakutsi nahi du Saharar Herriarekin duen konpromiso tinkoa.

ACNUR, Nazio Batuen Erakundeko errefuxiatuen agentziak salatu zuenaren arabera, Saharar errefuxiatuen kanpamenduetan 2015eko urrian eroritako uholde-euriek 90.000 lagun baino gehiagori eragin diete, hauetako 25.000 pertsonak etxea galdu dute eta jakirik gabe geratu direlarik.

UPV EHUko Hegoa Institutuak eta Aranzadi Zientzia Elkarteak Euskal Fondoaren sostenguearekin burututako hainbat ikerkuntzak froga berriak ekarri dituzte Marokoko Gobernuak saharar herritarren artean egindako bortxazko desagertzei eta bonbardaketei buruz. Ikerkuntza horiek, gainera, baliagarriak izaten ari dira Saharar Herriaren aurkako genozidioagatik jarritako kereilaren ikerketan, eta egia, justizia eta ordainketa lortzeko eskarietan.

Hori guztia dela eta, Lasarte-Oriako Udalak ondorengo adierazten du:

1. Berretsi egiten du RASDeko gobernu legitimoa eta Fronte POLISARIOA errekonozitzen dituela, eta behin berriro aldarrikatzen du Saharar Herriak legez duen autodeterminatzeko eskubidea. Era berean, Espainiako Gobernuari eskatzen dio eman diezaiola estatus diplomatikoa Fronte POLISARIOAren Espainiako Ordezkaritzari, bera baita Saharar Herriaren ordezkaririk bakar eta legitimoa, NBEk hala aitortua.
2. Espainiako Gobernuari eta nazioarteko komunitateari eskatzen die bultzatzea beharrezko ekimen politiko guztiak konponbide zuzen eta behin betiko bat erdiesteko, erreferendum baten bidez, Nazio Batuen ebazpenen arabera.
3. Mendebaldeko Saharako lurralde okupatuetan etengabe gertatzen diren manifestazio eskubidearen zampaketa, atxiloketak, torturak eta tratu txarrak, bortxaketak, desagertaketak, deportazioak eta orokorren giza eskubideen aurkako erasoak salaketa irmo eta erabateko gaitzespena adierazten du.
4. Marokoko agintariei eskatzen die bertan behera utz dezatela giza eskubideen alde diharduten saharar aktibisten aurkako jazargoa, saharar preso politikoak aska ditzatela eta argi dezatela desagertutako 400 saharar baino gehiagoren patua.
5. Sahararrei eta pertsona orori dagokigun mugimendu askatasunaren errespetua eta Mendebaldeko Saharako biztanleak zatitzen duen 2.600km luze den lotsaren harresia eraistea eskatzen du.
6. Espainiako Estatuari eskatzen dio har dezala bere gain duen erantzukizun historikoa; aktiboki lan egin dezala Europar Batasunaren barruan eta aprobetxa dezala Nazio Batuen Segurtasun Kontseiluan dagoela, MINURSOri luzatu dakion Mendebaldeko Saharan giza eskubideak zaintzeko emana duen agindua.
7. Mendebaldeko Saharako baliabide naturalen legez kanpoko ustiatzeari uko egitea eta zehazki, saharar arrantza bankuetan arrantza egiteko Europar Batasuneko eta Maroko Estatuaren arteko ituna etetea eskatzen du.
8. Espainiako Diputatuen Kongresuak ebatzitakoa behingoz betetzea eta gerran aurkitzen diren estatuei Marokokoa kasu, armak saltzea debekatzen duen ebazpena betetzea, hau da, bere legedia betetzea eskatzen du.
9. Berretsi egiten du bere konpromisoa lan egiteko bai Tindufen (Aljeria) babestuta dauden errefuxiatu-kanpamenduetan, bai Marokok legez kontra okupatutako lurraldeetan, Euskal gizarteak Saharar Herriak bere askatasunaren alde daraman borroka zilegiari ematen dion sostenguen erakusgarri.

10. Saharar Errepublika Arabiar Demokratikoa (SEAD) aldarrikatu zeneko 40. Urteurrenarekin bat etorri, 2016 otsailaren 27an Mendebaldeko Saharako bandera Lasarte-Oriako Udalitxean zintzilikatzea adosten du.
11. Aipatu den urteurrena dela eta, udalbatzar honek egiten du 2016ko otsailaren 27an eguerdiko 12:00 Lasarte-Oriako Udaletxe aurrean, Euskal Herriko Lagunak Mendebaldeko Saharakoekin bat deitutako elkarretaratzearekin, "Maroko Saharatik at, Independentzia Mendebaldeko Sahararentzat" lemapean.
12. Bene-benetan eskertzen du euskal herritarren lankidetzaren interes-gabea eta eskuzabaltasuna, horiei esker aurrera eraman daitezkeelako Saharar Herriarekiko lankidetzaren proiektuak, hala nola den euskal elkartasun-karabana, Oporrak Bakean, e.a.
13. Akordio hauek ondoko erakundeetara bidaltzea:
  - a) ERREGE-ETXERA
  - b) ESPAINAKO GOBERNU BURUARI
  - c) KANPO HARREMANETARAKO ESPAINIAR MINISTROARI
  - d) ESPAINIAKO BARNE MINISTROARI
  - e) NAZIO BATUEN ESPAINIAKO MISIO IRAUNKORRARI
  - f) ACNURREN ORDEZKARITZA ESPANIAN
  - g) EUROPAKO PARLAMENTUKO PRESIDENTEARI
  - h) EROPAR KONTSEILUKO PRESIDENTEARI
  - i) MAROKOK ESPAINIAN DUEN ENBAXADARA

Lasarte-Orian, 2016ko otsailak 5ean.